

Reykjavík, 21. júní 2018
SFS2016040020
141. fundur
HG/kg/gs

Bréf

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Tillaga um viðmið um hámarksfjölda reykvískra grunnskólanemenda sem greitt er framlag vegna til sjálfstætt rekens grunnskóla utan Reykjavíkur skólaárið 2018-2019.

Lagt er til að viðmið um hámarksfjölda reykvískra nemenda sem greitt er framlag vegna til International School of Iceland í Garðabæ skólaárið 2018 -2019 verði 30 reykvískir nemendur.

Fyrirvarar og gildistími:

Tekið er fram að með samþykkt viðmiða um hámarksfjölda er ekki fallið frá óskilyrtum rétti sveitarfélagsins til að synja einstaka umsóknum foreldra um skólavist í grunnskóla utan lögheimilis sveitarfélags. Gerður er fyrirvari af hálfu Reykjavíkurborgar um að fjárveitingar skóla- og frístundasviðs eru gerðar með fyrirvara um fjárheimildir skv. fjárhagsáætlun.

Lagt er til að ákvörðun um viðmið verði tímabundin vegna skólaársins 2018-2019 eða til 1. júlí 2019 og að fyrir þann tíma verði tekin ákvörðun um framlengingu eða endurskoðun á fyrirkomulaginu.

Greinargerð:

Á 138. fundi skóla- og frístundaráðs þann 23. maí 2018 var samþykkt tillaga um viðmið um hámarksfjölda reykvískra grunnskólanemenda sem greitt er framlag vegna til International School of Iceland í Garðabæ vegna skólaársins 2018 -2019 með þeim hætti að það verði 20 reykvískir nemendur. Borgarráð samþykkti erindið þann 31. maí 2018.

Skólaárið 2017-18 stunduðu 18 reykvískir nemendur nám í skólanum, sem er mestur fjöldi reykvískra nemenda í skólanum á sl. 10 árum. Núverandi viðmið um hámarksfjölda er 20 nemendur.

Með bréfi dags. 12. júní 2018, fer skólastjóri International School of Iceland þess á leit að viðmið um fjölda reykvískra nemenda sem heimilt er að greiða framlag vegna verði hækkað í 25 – 30 nemendur skólaárið 2018 – 2019 þar sem umsóknum hafi fjölgað og nú þegar hafi 22 reykvískir nemendur sótt um skólavist.

Í 43. gr. a - f laga um grunnskóla nr. 91/2008 er fjallað um sjálfstætt rekna grunnskóla. Í ákvæðum laga um grunnskóla nr. 91/2008, reglugerð um viðurkenningu grunnskóla sem reknir eru af öðrum en sveitarfélögum og skólahald skv. erlendir eða alþjóðlegri námskrá og námsskipan nr. 699/2012 eða reglugerð nr. 1270/2016 um ákvörðun framlaga úr sveitarsjóði er ekki kveðið beint á um réttarstöðuna milli sveitarélags og sjálfstætt rekens grunnskóla þegar

sótt er um innritun í sjálfstætt rekinn grunnskóla fyrir barn sem á lögheimili í öðru sveitarfélagi en skólinn er staðsettur í.

Ekki er gert ráð fyrir að samningur sé gerður milli viðkomandi sveitarfélags og viðkomandi grunnskóla og á sveitarfélagið því ekki aðkomu að málum sem varða innritun, gjaldtöku eða skólagöngu barnsins, m.a. vegna þeirrar sérfræðipjónustu sem hlutaðeigandi barn kann að þurfa. Þetta hefur m.a. þau áhrif að sveitarfélag getur ekki í þjónustusamningi takmarkað þann fjölda nemenda sem sækja sjálfstætt rekinn grunnskóla utan lögheimilissveitarfélags líkt og kveðið er á um að heimilt sé að gera í þjónustusamningi gagnvart sjálfstætt reknum grunnskóla í viðkomandi sveitarfélagi.

Þrátt fyrir framangreint er það mat skóla- og frístundasviðs að sveitarfélagi sé heimilt á grundvelli framangreinds lagaákvæðis í grunnskólalögum og stjórnarskrárvarins réttar sveitarfélaga til sjálfstjórnar skv. 78. gr. stjórnarskrár lýðveldisins Íslands nr. 33/1944 að takmarka fjárframlög sín til sjálfstætt rekinna grunnskóla utan sveitarfélagsins en tekjustofnar sveitarfélaga skulu ákveðnir með lögum, svo og réttur þeirra til að ákveða hvort og hvernig þeir eru nýttir, sbr. einnig 1. gr. sveitarstjórnarlaga nr. 138/2011.

Við það er miðað að sama framlag verði greitt til sjálfstætt rekinna grunnskóla utan Reykjavíkur og gilda skv. 3. gr. reglugerðar nr. 1270/2016 um ákvörðun framlaga úr sveitarsjóði til sjálfstætt rekinna grunnskóla en þar kemur fram að útreikningur Hagstofu Íslands vegna komandi skólaárs skal liggja fyrir í september ár hvert. Útreikningur skal byggður á ársreikningum sveitarfélaga fyrir liðið ár, að teknu tilliti til verðlagsbreytinga til þess dags sem útreikningur er gerður. Verðlagsbreytingar skulu taka mið af almennum launahækkunum starfsmanna grunnskóla og breytingum á vísitölu neysluverðs að teknu tilliti til vægis hvors þáttar fyrir sig í rekstrarkostnaði grunnskólanna. Hagstofa Íslands tekur saman 90 dögum eftir að viðmiðunarmánuði lýkur og birtir fimmta dags hvers mánaðar, á tímabilinu frá október og fram til ágúst, framreiknað framlag skv. 1. mgr. Við framreikning þess skal tekið tillit til verðlagsbreytinga sem orðið hafa frá ákvörðun framlags skv. 1. mgr., þ.e. almennra launahækkana starfsmanna grunnskóla og breytinga á vísitölu neysluverðs, miðað við vægi hvors þáttar í rekstrarkostnaði grunnskóla.

Heildargreiðslur vegna 10 reykvískra nemenda til viðbótar til International School of Iceland, 10 x 1.355.222, verða því kr. 13.555.220,- á ársgrundvelli miðað við að greitt sé 75% af áætluðum árlegum rekstrarkostnaði.

Aukinn kostnaður skóla- og frístundasviðs vegna greiðslu framlags vegna 10 reykvískra nemenda á árinu 2018 er kr. 5.706.199

Ekki er gert ráð fyrir auknum framlögum frá því sem nú er til International School of Iceland í fjárhagsáætlun skóla- og frístundasviðs vegna ársins 2018.



Garðabær, 12. Júní, 2018

Reykjavíkurborg,
Skóla- og frístundasvið
Bt Helgi Grímsson
Borgartúni 12-14
105 Reykjavík

Vegna viðmið um hámarksfjölda reykvískra barna sem greitt er framlag með vegna náms í International School of Iceland fyrir skólaárið 2018-2019.

Í bréfi ykkar til skólans í apríl á þessu ári er tekið fram að hámarksfjöldi reykvískra nemenda sem Reykjavíkurborg muni greiða með til skólans verði áfram 20 líkt og í fyrra. Á þeim tíma leit ekki út fyrir að nemendur yrðu fleiri og því gerði skólinn enga athugasemd. Hinsvegar hafa fleiri reykvískir nemendur verið að sækja um skólavist á síðustu vikum.

International School of Iceland vill koma á framfæri að nú þegar hafa 22 nemendur frá Reykjavík óskað eftir skráningu í skólann fyrir skólaárið 2018-2019 og opið er fyrir skráningu allt árið. Í ljósi þessa leggur skólinn til að Reykjavíkurborg hækki viðmið reykvískra nemenda í 25 – 30 nemendur fyrir skólaárið 2018-2019.

Virðingafyllst
Hanna Hilmarsdóttir
Skólastjóri

International School of Iceland
Löngulínu 8,
210 Garðabær
hanna@internationalschool.is